



OBOKONYI KORWA IGORO

ABEKIRE AMO NA WATSON GOODMAN

BOSA — TIKERI KOONIGWA

“OBOKONYI KORWA IGORO” agatabu aka nigo kabogoretie amariko arusirie ase Ebibilia naro nigo agokwana amangana y’engencho eyemo. Inche negenire inga Ebibilia nero egetabu kebogoretie amairanio onsi pi igoro ya Nyasae.

Ringana ria Nyase nigo “rikorwa igoro”, nario rikonya emioyo ere nenchara amo nerango y’ekeene. Omonoto ekero aang’amire, na gotiga ebibe, na komochika Omonene Yeso Kristo ase enkorro yaye, na kwegena n’enkorro yaye yonsi inga Omonene Yeso nere Omotoria, Omonene neorokie Omonyene na kobeka omogoko oye n’Omorembe ase enkorro y’Omwegeni. Amangana aya nan’yikerete inche ase enkorro yane omwaka 1937, na goika bono ningendererete tindasaria obomo obo korwa ase Omonene. Nagochikire bwerwe ase Yeso abe Omotoria oo na Omonene oo BONO iga, onye konya toramwancha, agwo ritang’ani. — Watson Goodman.

Yeremia 31:3

OMONENE akang'orokera agwo kare, agakwana, Ee, nagwanchire ase obwanchani botakoe-ra: ase obwanchani ime y'obwororo nakong'usire gocha asende.

Yohana 3:16

Naki Nyasaye ayianchete ense, goika akarua Omwana oye omoimoima, erinde 'monto onde bwe-nsi oyomwanchire tasira, korende anyore obogima bwa kare nakare.

Yohana 13:1

Goika ritang'ani rie rituko rine-ne ri'epasaka, Yesu akamanya ng'a ensa yaikire akorua as'ense

eye kogenda ase Tata, akaba akabancha abanto baye as'ense, akabancha goika omoerio.

Abarumi 5:8

Korende Nyasae oorokirie obwanchani bwaye asetore, ekia-gera Kristo nakwete as'engengo yaito, ekero twarenge abanyene ebibe.

Okomanoka 1:5

Na korwa ase Yesu Kristo, oyore omorori omwegeni, omoiborwa bwe ritang'ani bw'abakure, nomogambi bw'abaruoti b'ense. Asare ere oyotwanchete nagotosibia ebibe biaito as'amanyinga aye.

I Timotheo 3:16

Naende nering'ana ritari noko-amererania nobobisi bw'okoba nechingecho chia Nyasaye; Ere oo-rogetigwe as'omobere, akabarerwa oboronge as'omoika, akarorekana namalaika, akarandigwa as'ebisaku, akegenwa as'ense, akabogorigwa igoro as'obonene.

Mathayo 1:22,23

Naya onsi igabaire nario rirai-kerane eriakwanetwe n'Omonene as'omonwa bw'omobani okobora, Rigereria, enyaroka nebe morito, naende naibore omwana omoisya, nere erieta riaye nabamoroke Immanueli; engecho yaye kariraonchorwe, Nyasaye amo naintwe.

Yohana 14:9,10a

Yesu akamotebia, Nabeire amo nainwe amatuko aya onsi naye to-manyeti, Filipino? Oyondorire inche, omororire Tata; naki ogoteba aya, Tworokie Tata? Tibwancheti ng'a inche igonde ime ase Tata, na Tata ime yane?

Yohana 1:1 na 14

Omochakano ndiarengeso Ring'ana, ne Ring'ana iga riarengeso amo na Nyasaye, narirorio Ring'ana iga riarengeso Nyasaye. . . Narirorio Ring'ana rigakoreka omobere, agai-karansa asetore, (tokaborora obonene bwaye, obonene buna obw'omwana omomoima orure ase Tata), oichire obuya nekeene.

Abakolosai 2:9

Naki asore nao boikaransete o-boikeranu bwonsi Obonyasaye as'engecho y'omobere.

Luka 1:35

Rilaika rikairaneria rikamotebia, Omoika Omochenu nogoche-re, nechinguru chiaye Oyore Igoro nachikobekere ekiriri: as'ayio oyo-raiborwe narokwe omochenu, Omwana o Nyasaye.

Mathayo 17:5

Erio gagokwana, rora, rire rirabu rikabeka ekiriri, neriyogi rikarua ase rire rigoteba, Oyo nere O-

mwana one, omwanchi one, nancheirwe asare, moigwere.

I Yohana 4:15

Ker'oyogoteba ng'a Yesu n'Omwana o Nyasaye, Nyasaye igai-karansete ime asare nere ase Nyasaye.

Isaya 9:6

Ase tore Omwana oiboirwe, ase tore omoisia twaeirwe: Obogambi mbobe igoro yaye: erieta riaye narokwe Ogokumia, Omorai Omosani, Nyasaye omobui, Tata okare nakare, Omonene bw'omorembe.

Yohana 11:25

**Yesu akamotebia, Inche noko-
bokigwa nobogima: oyonyanchire
inche, nonya ogokwa, nanyare ko-
ba moyo.**

Yohana 8:58

**Yesu akabatebia, Ekeene, ekee-
ne, nabatebirie, Ritang'ani Ibrahi-
mu ataraba, Iache nao nare.**

Yohana 9:5

**Ekeru inde as'ense, inche nomo-
baso bw'ense.**

Yohana 13:13

**Inwe iga mokondoka Omworo-
kia, naende Omonene: naende i-**

**nwe mbuya mokobora, naki na-
boigo inde.**

Yohana 6:35

**Yesu akabatebia, Inche nomo-
gati bw'obogima: ere oyogocha a-
sende takoigwa enchara naende,
nere oyoranyanche takoigwa era-
ng'o nonya ng'ake.**

Yohana 10:7

**Erio Yesu akabatebia naende,
Ekeene, ekeene, nabatebirie, Ni-
nche egesieri gie ching'ondi.**

Yohana 8:23

**Akabatebia, Inwe naba inse; I-
nche noyo igoro: inwe nabe ense
eye; Inche tindi oyo bw'ense eye.**

Mathayo 14:19-21

Agachika emeganda eikaranse inse as'obonyansi; akabwata emegati etano nechinswe ibere, akarigereria igoro, akayesesenia, akayesamunyora, akabaa aborokigwa emegati eyio, naborokigwa bakabaa emeganda. Bakaria bonsi, bakaigota: bakayebogoria eyatigara ebisamunye bi'emegati, ebitonga ikomi nabibere bichire. Nabwo bariete igo barenge abasacha chilifu isano, tiga abakungu nabana abake.

Luka 5:4-6

Goika agachia gokora ogokwana kwaye, akamotebia Simion, Su-

kia goika endiba, moikie ebionga biano as'okoruba. Simion akamoiraneria akamotebia, Omone-ne, nabo twakorire emeremo obotuko bwonsi titonyoreti gento: korende ase ring'ana riao natobiikie ebionga. Bagachia gokora iga, bagasangereria chinswe chinyinge mono; ebionga biabo bigachaka gotandoka.

Mathayo 20:30 na 34

Nabwo abanto babere emeuko baikaransete ensemu y'enchera, bagachia koigwa ng'a Yesu ogoeta aroro, bakaaka egeturi, bakobora, Omonene, twabere, aye omwana

o Daudi. . . Yesu agasogwa nama-bera, akabakuna amaiso abo, erio

kegima amaiso abo akarora, bakamotunyana.

6 YESU KRISTO NOMOTONGI NA OMONENE

Abaibirania 1:2

Nyasaye. . . Omoerio bw'amatuko aya okwanire naintwe as'Omwana oye, abegete koba omonyamwando bw'ebinto bionsi, as'ere okorete ense.

Ogokora 2:36

Naboigo tiga enyomba ya Israeli yonsi emanye boronge ng'a Nyasaye omokorire Yesu oyio mwabambete koba Omonene na Kristo.

Abakolosai 1:16

Naki asare ebinto bionsi bigatongwa, ebire igoro nebire igoro a-

s'ense, ebikororekana, nebitarikororekana, nonya nebirogo bi'obonene, gose oboruoti, gose obonene gose okobua; ebinto bionsi bigatongwa as'enchera yaye, nas'engecho yaye.

Abarumi 14:9

Ekiagera Kristo nakwete naende akaboka akaba moyo as'engecho eye, erinde abe Omonene as'abare moyo nabakure bonsi.

I Abakorintho 1:9

Nyasaye noyo bw'ekeene, as'ere mwarangerigwe nere mosoe as'okobwatana kw'Omwana oye, Yesu Kristo Omonene oito.

YESU NOMOGAMBI ASE BONSI

7

II Timotheo 4:1

Nagochikire as'obosio bwa Nyasaye, n'Omonene Yesu Kristo, o-ranyare kobagambia abare moyo nabakure, as'okoroka kwaye nas'obonda bwaye.

Mathayo 25:32

Nas'obosio bwaye nabisangere-reke ebisaku bionsi: nere nabatanane abaiga naba, buna omorisia agwatanana ching'ondi chiaye nechimbori.

Abarumi 2:16

Ase rituko riria Nyasaye agocha konacha ekina igoro as'obobisi bwa mwanyabanto koreng'ana nenchili yane, ase Yesu Kristo.

Yohana 5:22

Ekiagera Tata tari komogambia monto onde bwensi, korende o-moire Omwana okogamba gweni.

Abarumi 14:10

Korende aye inee! naseki okomogambia oyomino? Naye naseki okomochaya oyomino? Ekiagera intwe twensi natotenene as'obosio bw'ekerogo gi'ekina gia Kristo.

Ogokora 10:42

Agatochika tobaranderie abanto na kobaorokeria ng'a oyo nere ochoretwe na Nyasaye abe omogambi bw'abare moyo, nabakure.

8 OKOBORIGWA NASE KRISTO BWEKA

Yohana 14:6

Yesu akamotobia, Ninche inde enchera, naende ekeene, naende obogima: Omonio onde tagocha ase Tata tatiga asende.

Yohana 8:24

As'ayio nabatebie ng'a namokwe as'ebibe biaino: naki motancheti ng'a inche nere, namokwe as'ebibe biaino.

Abaibirania 5:9

Nere gatiekire goikeranigwa, akaba as'engecho y'ogokonyeka gwa kare nakare as'abanto bonsi baranyare komoigwera.

Yohana 10:9

Ninche nde egesieri: omonio gagoosa as'inche, nakonyeke, nasoe, nasoke, nanyore oborisia.

Ogokora 4:12

Gose tikori gokonyeka as'onde bwonsi; naki erieta rinde tiriri inse as'erioba eribaeirwe abana-bamwanyabanto ritogwenerete gotorigwa narirorio.

Abaibirania 7:25

As'ayio, nere, nanyare kobakonya kegima abwo bagocha ase Nyasaye as'ere; ekiagera moyo are amatuko onsi kobasabera.

OKOBORIGWA NASE KRISTO BWEKA

9

Abakolosai 1:12-14

Mokomoakera ng'a mbuya mono Tata, oyotogweneirie intwe tonyore ensemu y'omwando bw'abachenu as'omobaso: otokonyete korwa chinguru chi'omosunte, agatong'anyia nagotosoyia as'obonda bw'obwanchani bwaye. Ekiagera asere ntore nokoborigwa as'amanyinga aye, okwabera kw'ebibe.

Luka 19:10

Naki Omwana-o-mwanyabanto igachete erinde arigie egiasirete na gogekonya.

I Abakorintho 1:30

Korende as'ere inwe mwanyarire koba ase Kristo Yesu, orange

asetore chisemi chiruete ase Nyasaye, noboronge, nogosibigwa, nogorigwa.

Okomanoka 5:9

Nabarabwo bagotera ogotera okoyia bagoteba, Kwagweneire aye koyebogoria ebuku nakobigora ebimanyererio biaye; naki ngwaitetwe, okamogorera Nyasaye as'amanyinga ao abanto ba ker'eamate, nemenwa, nabanto, nebisaku.

Tito 2:14

Oyobweruete omonyene as'engecho yaito, erinde atoborie nogosaria gwonsi, nagwesiberia abanto babe abanyorwa baye, abare nomokia as'ogokora okuya.

10 OGOSIBIGWA N'AMANYINGA A KRISTO

Abaibirania 9:14

Korende tari kobua as'amanyinga aye Kristo, ere as'Omoika obotambe akerwa omonyene ase Nyasaye koba ekeng'wanso getari nakemoa, gosibia ebirengererio biaino korwa emeremo ekwete, komokorera Nyasaye ore moyo?

Abaefeso 1:7

Asare ntore nokoborigwa as'amanyinga aye, okwabera as'ebibe biaito, as'obonge bw'obuya bwaye.

I Petro 1:18, 19

Momanye ng'a timogoriri as'ebinto bigosareka, ase chifetha gosse chithahabu monyare kobua a-

s'orogendo rwaino rotagwenereti mwanoyorete as'abaiso baino; korende as'amanyinga aye rigori, buna ay'emanwa y'eng'ondi etari nobobe, etari nabimoa, amanyinga a Kristo.

I Yohana 1:7

Korende gatoragende omobaso ime, buna ere are as'omobaso, twabwatanire intwe as'intwe, namanyinga aye Yesu Kristo, Omwana oye natosibie ebibe biaito bionsi.

Abarumi 5:9

Naboigo kobua mono gatwaeirwe oboronge as'amanyinga aye natotorigwe nendamwamu asare.

OGOTOREKA ASE OKWEGENA KRISTO

11

Yohana 20:31

Korende ebi biarikirwe monyare gwancha ng'a Yesu nere Kristo, Omwana o Nyasaye; naende as'ogwancha mobe nobogima as'erieta riaye.

Abaefeso 2:8, 9

Naki mwakonyirwe as'obuya, as'enchera y'okwegena; nas'ayio taruete asemore abanyene; nekegwa kia Nyasaye; gose tari as'ogokora, tacha monto onde bwonsi gwetogia.

Abarumi 5:1

Naboigo ekero twabareirwe oboronge bokorwa as'okwegena, tiga tobe nomorembe ase Nyasaye,

as'enchera y'Omonene oito Yesu Kristo.

Abagalatia 5:6

Naki ase Kristo Yesu okwaroka tikogwenereti ing'ana rinde rionsi gose ogotaroka: korende okwegena kogokora emeremo as'obwanchani.

I Yohana 5:4

Naki ker'ekiaiboirwe na Nyasaye, iga gekobua ense: nokwo okobua gokobua ense, nokwegena gwaito.

Yohana 6:28, 29

Nabo bakamotebia, Ninki togokora tonyare koyekora emere-

mo ya Nyasaye? Yesu akairaneria, akabatebia, Eye nero eme-

12

AMABERA

Zaburi 103:11

Buna rigoro rire igoro y'ense, ase igo amabera aye namange ase baria bamoirogete.

Zaburi 103:17

Korende amabera y'OMONE-NE nigo are amange atai koera kare nakare ase baria bamosigete, nekeene kiaye ase abana b'abana babo.

Ekerero 3:22, 23

(Maombolezo)

Nase engencho y'amabera y'OMONENE egerete totarasambwa, ase engencho amabera atai gosi-nywa. Amabera nigo are amayia

remo ya Nyasaye, momwanche ere oyotomirwe nere.

A NYASAYE

kera emambia: Okwegena kwao nokonene.

Zaburi 108:4

Buna amabera ao are amange igoro: n'ekeene kiao nigo geigete ase amare.

Tito 3:5

Agatokonya, tari as'ogokora kw'oboronge twakorete, korende as'amabera aye, as'ogosibigwa gw'okoiborwa gwa kabere, nago-korwa omoyia as'Omoika Omo-chenu.

Mika 7:18

Ning'o naende okobwekaine Nyasaye, oy'okwabera ebibe, na

gotiga ebibe biaabasinini abanyamwando? ere tai kogacha enda-

mwamu yaye goika kare, ase engecho agokirie n'amabera.

NYASAYE OTORANGEIRIE TOCHE ASARE 13

Okomanoka 22:17

N'Omoika nomoriakari bw'enyangi bagoteba, Nchuo Nere oyokoigwa atebe, Nchuo. Nere oyore nerang'o nache; oyobwanchete ayabogori amache obogima bosa.

Isaya 55:1

Ee, onde bwensi orangire, nchuo ase amache, noria otabwati chibesa, nchuo, gora na karie; ee, nchuo, monyore edivai na amabere igori ritaiyo.

Isaya 1:18

Nchuo bono, erio tokwanerane, otebire OMONENE: nonya ebibe

biao n'ebimwamu nabibe ebirabu buna amagena y'embura; nonya bire ebibariri nabibe ebiororo buna amarionya.

Yohana 7:37

Nase rituko ri'omoerio, rituko riria rinene, Yesu agatenena, agakwana neriyogi, okobora, Omonto karabe nerang'o tiga ache asende anywe.

Mathayo 11:28

Nchuo asende inwe mwensi abwo mwarosigwe as'emeremo emerito, abwo mwabunekire nechi-gurube, nainche nimbatiimokie.

14 TAI ABANTO BONSI BARE ABANA BA-NYASAYE

Abafilipi 2:15

Monyare koba abana ba Nyasaye, abatari nekemoa, gose okong'ainereria, gose motari nobobe gati y'ekegori ekere ekebe nekia bogeka, aroro as'egati yabwo mororekane koba buna emebaso as'ense.

Yohana 1:12

Korende bonsi abamwanchete, akabaa okobua babe abana ba Nyasaye, nabwo barianchire erietariaye.

II Abakorintho 6:17, 18

As'ayio, Soka korwa egati yabo, mwatananwe nabarabwo, otebire Omonene, Gose timokuna egento k'eubi; nainche nimbaro-

sie, nimbe Iso asemore, Nainwe namobe abana abamura, nabaiseke, otebire Omonene Omobui.

Abarumi 8:14, 15

Naki bonsi baria bagotang'annwa n'Omoika o Nyasaye, abwo nabwo abana ba Nyasaye. Naki timonyoreti omoika bw'obosomba bokoreta okoiroka; korende igo mwanyorete Omoika bw'ogokorwa abana, as'ayio torera, Tatta, Oito.

I Yohana 3:10

Naboigo abana ba Nyasaye bare maiso marore, nabana ba saitani: omonto bwonsi otari gokora boronge tarueti ase Nyasaye, nonya noyotancheti oyomwabo.

EKI NYASAYE AGOTEBA IGORO YEBINYWEGWA BIGOTINDIA

15

Isaya 5:11

Baragererigwe obobe igoro yabo baria bakoboka mambia mono, nagochaka korigia amarwa agotindia, erio bagenderera koyanywa rituko rigima goika botuko goika amarwa oka aichora ime yabo!

Abagalatia 5:19-21

Nogokora kw'omobere igo kore maiso marore, nakwoko; obonyaka, eriko, okorengereria kw'omobere, ogosasima chisanamu esugu, ogwatananekana, okwerusanania, emoko, nogotinda, chigosori chimbe, nayande areng'aine buna a-

yio: igoro as'aya natang'anire kobatebia buna riria nakwanete maiso marore, ng'a abwo bagokora amang'ana ayio tibakonyora omwando bw'obonda bwa Nyasaye.

Abarumi 13:13, 14

Buna egwenerete nomobaso totare as'oboronge; tari as'okoria bobo nokogosoria, nogotinda, tari as'okorengereria nechingecho chi'obotomani, tari as'eriomana ne ribero. Korende mweboe Omonene Yesu Kristo, timoa omobere ribaga goikerania ebirengererio biaye.

Emereng'anio 16:25

Enchera nereo ekororekana e-ndonge ase amaiso omonto, korende omoerio oye nechinchera chi'amakweri.

Mariko 10:17-22

Goika agachia koba ogosoka kogenda enchera, omonto oyomo agacha bwango, akamotung'amera, akamoboria, Omworokia omuya, nki ndakore inyore koba nobogima bwa kare nakare? Yesu akamotebia, Naki okondoka omuya? tari omuya oyomo, nere Nyasaye. Kwayamanyire amachiko, Toita, Totomana, Toiba, To-

teba oborimo, Tong'aina, Basike'so na nyoko. Akamotebia, Omworokia, aya onsi nayabwatire korwa obwana bwane. Yesu akamorigereria mono, akamwancha, akamotebia, Kwaremeirewe ring'ana erimo: genda, ogore ebiore nabio bionsi, obae abataka, naye nobe nemonga igoro, erio oche, bwetweke omosalaba oo, ontunyane. Korende ere akanyiria obosio ase ring'ana riria akagenda nobororo, ekiagera arenge nebi-nto ebinge.

Mathayo 22:37.38

Yesu akamotebia, Mwanche Omonene Nyasaye oo, nomoy'oo

**bwonsi, nenkoro yao yonsi, nobo-
ng'aini bwao bwonsi. Oko nakwo**

**ogochika okonene, naende nakwo
kwe ritang'ani.**

TIMONG'AINIKA

17

I Yohana 3:7, 8a

**Abana bane abake omonto o-
nde bwonsi tabasiria: oyogokora
oboronge nare noboronge buna
ere are noboronge: oyogokora e-
bibe noyo o saitani; naki saitani
igakorete ebibe korwa omochaka-
no.**

Abagalatia 6:3

**Naki omonto karekage ng'a ne-
gento, nere tari gento, igakwe-
ng'aina omonyene.**

I Abakorintho 6:9, 10

**Gose timomanyeti ng'a ababe
tibakoira omwando bw'obonda
bwa Nyasaye? Timong'aineka: a-**

**banyaka tibakonyora obonda bwa
Nyasaye, gose abasabi chisanamu,
gose abatomani gose abare buna
abakungu, gose abasacha abagwe-
saria nabasacha, gose abaibi, gose
abarengereria, gose abagotinda,
gose abarami, gose abauri.**

Yakobo 1:22

**Mobe abakori be ring'ana, tari
abakoigwa boka, mokweng'aina
abanyene.**

Abaefeso 5:6

**Omonto tabang'aina as'ama-
ng'ana atari nengecho, ekiagera
as'aya okobea kwa Nyasaye iga
gogochera abana b'ogosaria.**

Yakobo 1:15

Nakoria okorengereria gokwabogoirie oborito bwaibora ebibe; na biria ebibe bigokina, bireta amakweri.

Abarumi 8:6

Naki okorengereria kw'omobere namakweri; korende okorengereria gw'omoika nobogima nomorembe.

Abarumi 5:12

As'ayio buna as'omonto oyo mo ebibe bigaso as'ense nas'ebibe ebio amakweri; naboigo amakweri akabaikera abanto bonsi, naki bonsi bakorire ebibe.

Luka 15:32

Naende gokora omogoko nakorora omogoko iga orenge oyoboronge: ekiagera oyo 'momura omino konya okure, nere obokire: konya osirire, nere ororekanire.

Emereng'anio 11:19

Oboronge n'ekeene nigo bikobwatekana n'obogima: naboigo oyokobwatia ebibe nigo akobwatia amakweri.

Ezekieli 18:20

Omoyo ogokora ebibe, goika okwe. Omwana takonyara kobogoria ebibe bia ise, naboigo ise takonyara kobogoria ebibe bi'Omwana

na oye. Omonyakeene goika ekeene kementerian ase ime yaye, na o-

monyabibe goika ebibe bimenye ime yaye.

KRISTO AKABUA AMAKWERI

19

Yohana 11:43, 44

Erio gakwanire iga, akaaka erigi rinene, Lazaro, soka isiko. Agasoka oria okwete, oboirie egetambaa amagoro namaboko; obosio bwaye boboirie egetambaa. Yesu akabatebia, Mosansore, momotige agende.

Yohana 10:17, 18

As'ayio Tata nanyachete, ekia-gera nabekire obogima bwane, erinde inyare kobobogoria naende. Tari omonto okonduseria, korende ninche nabobekire omonyene. Ninde nokobua kobobeka naende

ninde nokobua kobobogoria naende. Ogochika oko iga nakonyorire ase Tata one.

Okomanoka 1:18

Oyore Moyo, nainche konya nakure, narigereria igande moyo goika kare nakare. Nainche ninde nebigorero bi'amakweri nebie chimbera.

Luka 7:14, 15a

Akagenda ang'e akagekuna ekige; baria ababogoria bagatene-na. Agakwana, Omomura, nago-tebirie, Imoka. Keria egetondo gegaikaransa, gegachaka gokwana.

Okoinyoria 5:7-21

(Kumbukumbu la Torati)

Tobaisa koba nenyasaye ende obosio bwane. Tobaisa kobacha omogwekano, gose omobwekano ogento kende gionsi kere igoro gose inse as'ense, gose kere ime as'amache inse y'ense: Tobaisa kobitung'amera gose kobakorera.

Tobaisa gokwana erieta ri'OMONENE Nyasaye oo bosa: OMONENE goika amobarere amamocho onde bwensi ogokwana erieta riaye bosa.

Renda esabato na koyekora enchenu, buna OMONENE Nyasaye oo agochigete. Amatuko atano narimo okore emeremo, na

oyekore yonsi: Korende rituko ri-agatano na kabere nario esabato y'OMONENE Nyasaye oo.

Mosike iso na nyoko, buna OMONENE Nyasaye oo agochigete. . .

Gose tobaisa gokora obotomani: Gose tobaisa koiba.

Gose tobaisa goita: Gose tobaisa gotebera omoamate oo oborimo:

Gose tobaisa komosanera omokungu bw'omoamate oo: Gose koba n'endamwamu ase enyomba y'omoamate oo: Gose omokori emeremo obande, gose abasubati bagokonya emeremo y'omoamate

oo, gose chiombe chiaye, chibunda chiaye gose gento kende gio-

nsi kiabande tobaisa gokerorera endamwamu.

TOKONYARA KWEBISA KORWA ASE NYASAYE 21

Emereng'anio 15:3

Amaiso y'OMONENE nigo akorora kera aase na korora amabe n'amaya onsi.

Luka 8:17

Ekiagera ring'ana tiriri rirabiseke, ritache kooroka; gose ring'ana rirabiswe, ritache komanyekana maiso marore.

Zaburi 139:8 na 12

Kondarine igoro, nao ore: Kondaroisie oboraro bwane ase jehanamu, rigereria nao ore. . . ekeene, omosunte togokobisa gento; obotuko nigo borabete buna

omobaso: Omosunte n'omobaso bionsi nigo bibwekaine ase ore.

Yeremia 23:24

Inee, monto onde nanyare kwebisa ase obobisi intanyare komorora? Oboririe, OMONENE. Inee, tinyichiri igoro n'ense yonsi? Oboririe OMONENE.

Ayubu 34:21, 22

Amaiso aye nigo aroche chinchera chia kera omento, narochekokogenda gwensi. Omosunte toiyo, gose rirengari ri'amakweri, ase abagokora amabe baranyare kwebisa aroro.

EGESUSURO GETAKOERA ASE ABATAMOMANYETI NYASAYE

II Petro 3:7

Korende igoro ya bono nense biagachirwe emonga as'omorerero, ase ring'ana erio erio, birendwe goika rituko ri'ekina, neri'ogosi-rigwa kwabo mwanabanto abatamosigeti Nyasaye.

Mathayo 25:46

Nabanto aba nabagende as'ogoitwa gwa kare nakare, k'abanyene oboronge nabagende as'obogima bwa kare nakare.

Zaburi 9:17

Abanyabibe nigo baraonchorwe gochia jahanamu, nebisaku bionsi biria biamwebire Nyasaye.

Mathayo 18:8

Nekerakogochi, onye nokoboko kwao, nonya nokogoro kwao, konache, ogotugute are naye: mbuya asore osoe as'obogima kore omonungu gose ekerema, kobua gotugutwa kore namaboko abere namagoro abere as'omorerero o kare nakare.

Mathayo 13:41, 42

Oria Omwana-o-mwanabanto nabatome amalaika aye, nabarabwo nabasangererie korwa obonda bwaye, amagochwa onsi, nabagokora ebibe. Babatugute as'eriko ri'omorerero; babe nekerero aroro nokoriana amaino.

Abarumi 14:12

Bono onye naboigo, ker'omonto ime asetore narusie amang'ana aye omonyene as'obosio bwa Nyasaye.

I Yohana 4:17

Iga obwanchani bwaikeranigwe asetore erinde tobe noboremu ase rituko ri'ekina; ekiagera, buna ere are, naboigo tore naintwe as'ense ime.

Ogokora 17:31

Ekiagera obekire rituko eriagocha kobanachera ekina, ab'ense as'oboronge as'omonto oria acherete; nere obaeire abanto bonsi ekiorokererio ki'amang'ana aya as'okomobokia korwa as'amakweri.

II Petro 2:9

Omonene namanyete kobakonya abamosigete korwa as'ogotemwa, nakobabeka abatari ba boronge inse as'okoakwa goika rituko ri'ekina.

Abaibirania 9:27

Buna abanto bagacheirwe ogokwa ara rimo rioka, na nyuma y'ogokwa ekina.

II Abakorintho 5:10

Naki netogwenerete intwe intwensi koorokigwa as'obosio bw'ekerogo gi'ekina gia Kristo; erio ker'omonto anyore koreng'ana buna are gokora as'omobere, onye bire ebiya gose ebire ebibe.

I Petro 5:5b

. . . Nyasaye igakoamererania nabanyene oboenenu, nakobaa abaitongo obuya.

II Abakorintho 9:15

Nyasaye airanerigwe mbuya mono as'engecho y'ekegwa kiyeye, totanyare gokebara buna egwenerete.

Abarumi 9:16

Bono, onye naboigo, tari as'okobua kw'oria oyorigetie, nonya nokw'oria okominyoka chimbero, korende nokw'oria okororera amabebe nere Nyasaye.

II Abakorintho 8:9

Naki mwamanyire obuya bw'omonene oito Yesu Kristo, buna a-

bete omotaka as'engecho yaito, karende omonda, erinde inwe monyare koba abanda as'obotaka bwaye.

Abarumi 5:15

Korende ekegwa keria tikiarengenge buna okomocha koria. Naki, ekiagera as'okomocha kwaye oria oyomo abange bagakwa, kobua mono obuya bwa Nyasaye, nekegwa igokere as'obuya bw'omonto oyomo Yesu Kristo, kiamentekire as'engecho ya baria abange.

Ogokora 4:33

Nabatomwa bakaorokia amang'ana okoboka kwaye Yesu ase chinguru chinyinge. Obuya obonge bokaba igoro asebare bonisi.

Ogokora 3:19

Onchoka rende, moirane erinde ebibe biaino bitinyigwe, bi-nyare gocha ebiro bi'ogotimokigwa korwa as'obosio bwaye Omonene.

Luka 13:3

Nabatebirie Taibo: korende motaonchogeti imwensi namosire boigo.

Ezekieli 18:31

Rusia amamocho amo nebibe biao bionsi ase gwasaririe; eroiserie enkoro enyia n'omoika omoyia: nase ki oranyare gokwa, aye enyomba ya Israeli?

Mathayo 3:2

Onchoka, ekiagera obonda bw'igoro bwaikire ang'e.

Ogokora 17:30

Naboigo ebiro biria bi'oboriri Nyasaye igaombetie buna tarochi; korende bono nkobaranderiare abanto bonsi ba ker'aase baonchoke.

II Abakorintho 7:10

Naki ogoichana kore as'obosio bwa Nyasaye iga gogokora okoonchoka gokoreta ogotoreka gotari nagweitia: korende ogoichana gw'ense iga gogokora amakweri.

Ogokora 5:31

Omonto oyio Nyasaye omoi-mokereirie igoro as'okoboko kwaye gw'okorio, ab'Omonene naende Omokonyi, abae Abaisraeli okoonchoka nokwaberwa kwebibe.

Okomanoka 3:20

Rigereria, natenenire egesieri gotura; omonto karaigwe eriogiriane nakoigora egesieri, ninsoe asare, nindagere amo nere, nere amo nainche.

Ezekieli 18:21

Omonyabibe aise goonchoka korwa ase ebibe biaye ebi akorire, na koyagacha amachiko ane, na

koyakora aya amachiko noboronge, ekeene ere namenye, nere tagokwa.

Mariko 2:5

Yesu ochia korora okwegena kwabo akamotebia oria omonyene okoiguswa, Omwana one, ebibe biao biabeirwe.

Mathayo 6:14

Naki inwe kamorababere abanto ogosaria kwabo, n'Iso oino o igoro nababere inwe.

Isaya 55:7

Omonyabibe tiga ayetige enchera yaye, n'omonto otari bw'oboronge abitige ebirengererio

biaye: tiga amoiranere **OMONE-NE**, nere namororere amabera;

na Nyasaye oito, ekiagera ere namwabere kegima.

OGWATANANWA KORWA EBIENSE

27

Abakolosai 3:2

Rigia ayare igoro, tari ayare as'ense.

Abaefeso 5:11

Gose timobwatana nogokora gotakwama okw'omosunte, korende mogokanie.

I Yohana 2:15, 16

Timwancha ense, nonya nebin-to bireo as'ense. Omonto karanche ense, okomwancha Tata tikoiyo asare. Naki ekereo ime ense, nokorengereria kw'omobere, nokorengereria kw'amaiso, no-boenenu bw'obogima obwo, tibo-

rueti ase Tata, korende iga boruete as'ense.

Tito 2:11, 12

Naki obuya bwa Nyasaye bogokonya mwanabanto bonsi bwarorekanire: bogotworokia kwanga obobe nokorengereria gw'ense, nakoba moyo as'obong'aini boisanete, noboronge, nakoba nechingecho chia Nyasaye, as'ense eye ya bono.

Isaya 1:16

Esibie, kabe omorabu; rusia ebibe bi'ogokora kwao okobe ase amaiso ane; tiga gokora ebibe.

Yohana 3:3

Yesu akairaneria, akamotebia, Ekeene, ekeene, nagotebirie, Omonto ataiboiri eria kabere, takonyara koborora obonda bwa Nyasaye.

I Yohana 5:18

Twamanyire ng'a ker'omonto oiboirwe na Nyasaye takomocha; korende ere oyoiboirwe na Nyasaye igakwerenda, noria omobe takomokuna.

Ezekieli 36:26

Enkoro enyia ninkoe, nomoika omoyia nimbeke ime yao: ninyerusic enkoro yerigena ase omobere oo, nainche ninkobekere enkoro y'enyama.

I Yohana 2:29

Komokomanya ng'a ere nomonyene oboronge, manya ng'a oyogokora boronge oiboirwe nere.

I Petro 1:23

Ekiagera mwaiboirwe eria kabere, tari as'embusuro egosareka, korende eyetari gosareka, ase ring'ana ria Nyasaye rinylene obogima, na rikobao goika kare nakare.

II Abakorintho 5:17

As'ayio omonto karabe ime ase Kristo, negetongwa ekeyia; ebia kare biaetire; rora, bionsi bia-beire ebiyia.

OGOKWA ASE EBIBE — OKOBOKIGWA ASE KRISTO

29

Abakolosai 3:1

Gaki onye mwabokire amo na Kristo, rigia ayare igoro aase Kristo aikaransete, as'okoboko gw'okorio kwa Nyasaye.

I Petro 2:24

Ere omonyene akabogoria ebibe biaito as'omobere oye igoro as'omote, erinde, gatwakure as'amang'ana ay'ebibe, tobe moyo as'amang'ana ay'oboronge; as'okoakwa kwaye mwagwenigwe.

Abagalatia 5:24

Nabwo bare abanto ba Kristo Yesu babambire omobere amo

nokogania okobe nokorengereria kwaye.

Abarumi 6:2 na 11

Intwe abwo twakure as'ebibe naki torabe moyo as'ebibe naende? . . . Naboigo ninwe mwabare ng'a mwabeire abakure as'ebibe, korende mwabeire moyo ase Nyasaye ase Yesu Kristo.

Abaefeso 2:1 na 6

Nainwe agwo ekero mwarenge ebitondo, as'engecho y'okomocha kwaino nebibe biaino, akababokia. . . agatobokia amo nere, agatoikaransia amo nere aase a igoro ase Kristo Yesu.

Yohana 3:14,15

Naende buna Musa aimogetie eng'iti eroro ime, naboigo Omwana - o - mwanyabanto agwenerete aimokererigwe: Erinde tasira o-monto onde bwonsi oyomwanchire, korende abe nobogima bwa kare nakare.

Yohana 3:36

Oyoramwanche Omwana nare nobogima bwa kare nakare; no-yotamoigwereti Omwana takorora obogima, korende nendamwamu ya Nyasaye eramoikaransere.

Abagalatia 6:8

Naki ere oyorasimeke as'omobere oye, as'omobere oye nagese

ogosareka; korende ere oyorasimeke as'Omoika, as'Omoika nagese obogima bwa kare nakare.

Yohana 5:24

Ekeene, ekeene, nabatebirie, oyokoigwa ring'ana riane, nakomwancha ere oyontomete nare nobogima bwa kare nakare, gose tagoika as'ekina, korende oetire korwa as'amakweri goika as'obogima.

Abarumi 6:23

Naki eng'eria y'ebibe nama-kweri; korende ekeegwa kia Nyasaye nobogima bwa kare na kare ase Yesu Kristo Omonene oito.

EKEENE KI'OGOTOREKA

31

Yohana 14:21

Oyore namachiko ane, nakoyabwata, ere nere onyanchete: nere oyonyanchete nanchwe na Tata one, nainche, nimwanche, nakwe-orokia asare.

Isaya 32:17

Emeremo yaboronge nero o-morembe, na ogokora ay'ekeene ase obwororo n'okoenekia gotai nomoerio.

Abagalatia 4:6

Nekiagera inwe more abana, Nyasaye agatoma Omoika bw'Omwana oye ase chinkoro chiaito, okorera, Abba, Tata.

I Yohana 4:13

Iga twamanyire ng'a iga toikaransete ime asare, nere ime asetore, ekiagera otoiire as'omoika oye.

I Yohana 3:18, 19

Abana bane abake, titwancha ase ring'ana gose as'oromeme, korende as'ogokora nas'ekeene. Iga natomanye ng'a iga tore ab'ekeene, nas'obosio bwaye natoremie chinkoro chiaito.

Abarumi 8:16

Omoika omonyene obeire kiro-ri amo nemeika yaito, ng'a intwe nabana ba Nyasaye.

32 KRISTO OMENYETE IME OKORWA OMOGOKO

Yohana 17:13

Na bono ngochande asore, naya nayakwanire as'ense ime, erinde babe nomogoko one oikera-nigwe ime yabo.

Abarumi 14:17

Naki obondo bwa Nyasaye tari okoria nokonywa, korende as'oboronge nomorembe nomogoko as'Omoika Omochenu.

Abagalatia 2:20

Nabambirwe amo na Kristo; gose tari inche naende, korende Kristo moyo are ime asende nobogima inde naborobwo bono as'omobere ninde naborobwo a-

s'okwegena kw'Omwana o Nyasaye onyanchete, akerwa omobere oye as'engecho yane.

Zaburi 16:11

Aye nonyorokie enchera yobogima: asore omogoko nao oichire; ase okoboko kwao okorio omogoko otakoera nao ore.

Yohana 15:11

Aya nabatebirie, erinde omogoko one obe ime yaino, naende omogoko oino oikeranigwe.

Isaya 12:3

Ase omogoko nobuche amache ase egesima ki'ogotoreka.

Okoinyoria 11:26-28a

(Kumbukumbu la Torati)

Rigereria, rituko eriga nabekire ogosesenia n'okoragereria ase obosio bwao; Ogosesenigwa, korasike amachiko y'OMONENE Nyasaye oo, ayandagochike rero: Na okoragereria korange koyasika amachiko y'OMONENE Nyasaye oo.

Abarumi 6:16

Timomanyeti nga'a asere oria mwarure emebere yaino koba abasomba baye, nakomokorera, igo more abasomba baye ere oria moigwerete: onye nobosomba

bw'ebibe bokoreta amakweri gose obosomba bw'okoigwera bokoreta oboronge?

II Abathesolonike 1:7-9

Nakobaakana inwe mogochandwa omogoko amo naintwe ekero ki'okoorokigwa kwaye Omone Yesu korwa igoro amo namalaika ay'okobua kwaye: as'omorero ogwoka, kobaakana endamwamu barabwo abatamomanyeti Nyasaye, nabwo abataigwereti enchili y'Omonene oito Yesu Kristo: abaranyare gochandwa as'ogosareka gwa kare nakare, korwa obosio bw'Omonene nakorua obonene bwe chinguru chiaye.

Abafilipi 2:11

Ker'oromeme rwatore ng'a Yesu Kristo n'Omonene, as'obonene bwa Nyasaye Tata.

Mathayo 10:32, 33

As'ayio ker'omonto oranyatore as'obosio bwa mwanyabanto, nainche nainche komwatora as'obosio bwa Tata one ore igoro. Korende oyoranyange as'obosio bwa mwanyabanto, nainche namwange as'obosio bwa Tata one ore igoro.

Abarumi 10:9, 10

Korende koramoorokie Yesu Kristo as'omonwa oo, nakomwancha as'omoyo oo' ng'a Nyasaye

namobogetie korwa as'amakweri, nokonyeke. Naki as'enkoro abanto igobakwegena baikera oboronge; nas'omonwa oorokia goika onyora ogotoreka.

I Yohana 2:23

Ker'oyokomokana Omwana, tari na Tata; ere oyogwatora omwana igare na Tata nere.

Luka 9:26

Ekiagera ker'omonto orandore-re obosoku inche namang'ana ane, Omwana-o-mwanyabanto namororere obosoku oyio kagocha as'obonene bwaye, nobw'Ise oye, nobw'amalaika amachenu.

II Abathesolonike 2:9

Ere, ogocha kwaye nkore as'omogwekano bw'ogokora emere-mo yaye Saitani, as'okobua gwo-nsi nebikone bi'ogokumia kw'oborimo.

Ogokora 26:18

Obaramokie amaiso abo, bati-ge omosunte nakoyoiranera omobaso, nagochitiga chinguru chia Saitani nakomoonchokera Nyasaye, banyore okwaberwa kw'ebibe biabo, nomwando as'egati yabo abasibigwe as'okwegena kore ime asende.

I Petro 5:8

Kabe nobog'aini bw'okwerita, renda, ekiagera omobasoeri oino

Saitani, buna esibwori ekoruma, egoetanana tanana, ekorigia omon-
to emorie.

Abaefeso 6:11

Eboe ebinto bionsi, bi'esegi bia Nyasaye, monyare gotenena korw-
wania obong'ainereria bwa sai-
tani.

Mathayo 4:1 na 10, 11

Erio Yesu akairwa eroro ime n'Omoika Omochenu, gochia go-
temwa na saitani. . . Erio Yesu akamotebia, Genda bwoo Saitani: ekiagera narikire, Mosasime Omonene Nyasaye oo, omokorere ere bweka. Erio saitani akamoti-
ga; na rora, amalaika bagacha bakamokorera.

Yakobo 4:7, 8a

Gaki mwebeke inse ase Nyasaye; mwange Saitani, nere nabatame. Moika ang'e Nyasaye, nere nabaiké ang'e nainwe.

Abaibirania 2:14

Gaki, ekiagera abana babwatanire namanyinga nomobere, ere nere naboigo abwatanete nayio; erinde as'enchera y'amakweri amosarie ere oyorenge nechinguru chi'amakweri engecho yaye saitani.

I Yohana 3:8

Oyogokora ebibe noyo o saitani; naki saitani igakorete ebibe korwa omochakano. As'engecho

eye Omwana o Nyasaye akaorokigwa, erinde ayesarie emeremo ya saitani.

II Abathesolonike 2:8

Erio agwo naorokigwe oria o-mosaria, oyio Omonene Yesu namoite as'omoika bw'omonwa oye, nakomosiria as'okoorokigwa kwaye kagocha.

Abarumi 8:35 na 37

Ning'o oratwatanane nobwanchani bwa Kristo, Inee, nogo-chandwa, gose obororo, gose nokorosigwa, gose nenchara, gose gesobono, gose nemechando, gose nemioro? ... Korende as'ama-ng'ana aya onsi twabaire ababui, nakobua nas'ere oyotwanchete.

OBWANCHANI OGOTEMWA KW'ABATUNYANI 37

Yohana 13:35

Iga abanto bonsi nabamanye ng'a naborokigwa bane more, komorabe nobwanchani inwe as'inwe.

Yohana 21:16

Akamotebia, eria kabere, Simon o Yohana, nonyanchete? Akamotebia, Ee, Omonene aye kwamanyire ng'a ningwanchete, Akamotebia, Risia ching'ondi chiane.

I Abakorintho 13:1

Kondakwane as'emenwa ya mwanyabanto neya amalaike, onye tindi nobwanchani, nabeire

buna etai ekwoga, gose endege ekobuga.

Abagalatia 5:22,23a

Korende okwama kw'Omoika, nobwanchani, omogoko, omoremba, oboremereria, ogokora amaya, obuya, okwegena, obwororo, okwerita as'onsi, igoro as'aya onsi machiko tari.

I Yohana 4:20

Omonto karabore, Namwanchire Nyasaye, nere namogechete oyomwabo, nomorimo: naki oyotamwancheti oyomwabo ere oyo aroche, takonyara komwancha Nyasaye ekiagera tamoroche.

38 OKOBOKIGWA KWA YESU KRISTO

Ogokora 10:39-41

Naintwe igotore abarori b'amang'ana onsi ayarengenge gokora as'ense y'Abayahudi nase Yerusalemu; ere bakamoita bakamosunga as'omote. Oyo Nyasaye akamobokia rituko ria gatato akamwanchera kooroka. Tari as'abantobonsi, tatiga as'abarori abachoretwe na Nyasaye, nabwo intwe, twarengenge koria na konywa amo nere nyuma as'okoboka kwaye.

Yohana 20:26-28

Nyuma y'amatuko atano natato aborokigwa baye mbarengenge aroro ime eria kabere, na Thomas

amo nabarabwo. Yesu agacha, ebisieri bisiekire, agatenena gati gati, akabora, Omorembe obe asemore. Erio akamotebia Thomas, Reta aiga ekiara kiao, orore amaboko ane; korete okoboko kwao, obeke ase rikere riane: toba oyotancheti, korende oyo bwenete. Thomas akairaneria, akamotebia, Omonene one, na Nyasaye one.

Mariko 16:9

Kabokire Yesu mambia rituko rie ritang'ani ri'echuma akamoorokera ritang'ani Mariamu Oomagadali, ere oria arusetie ebirecha bitano nabibere.

OKOBOKIGWA OGOSEMERIA GWAITO OKUYA 39

Mathayo 16:21

Korwa ekeru ekio Yesu agachaka koborokereria aborokigwa baye ng'a nemogwenerete kogenda Yerusalemu, nogochandwa okonge nabakuani abanene, nabariki, nagoitwa, nakoboka ase rituko ria gatato.

Abarumi 6:3-5

Timomanyeti ng'a intwe tweni twabatisetwe ase Yesu Kristo igo twabatisetwe as'amakweri aye? Naboigo twatindegetwe amo nere as'enchera y'ebatiso as'amakweri aye: koreng'ana buna Kristo abogete as'enchera y'obonene bw'ise, naboigo naintwe, totare

as'oboyia bw'obogima. Naki onye twabwatanire amo nere as'omogwekano bw'amakweri aye, naboigo nas'omogwekano bw'okoboka kwaye.

Yohana 5:25 na 28, 29

Ekeene, ekeene, nabatebirie, Ensa ngochere, nabono nere, ebitondo biraigwe eriogi ri'Omwana o Nyasaye; nabaria bakorigwa nababe moyo. . . Timokumia as'aya: naki ensa ngochere, ekeru abantobonsi bare ase chimbera ime bairraigwe eriogi riaye, nabarabwo nabasoke; baria abare gokora amaya as'okobokigwa kw'obogima, nabaria abakorire amabe as'okobokigwa gw'ekina.

I Petro 1:15

Korende buna ere oyobarangeirie are omochenu, inwe nainwe mobe abachenu as'orogendo rwaino rwonsi.

Luka 1:74, 75

Ng'a natoe intwe, gotorakonyeke namaboko ababisa baito: Tomosasime totari nokoiroka: As'obochenu nas'oboronge as'obosio bwaye amatuko aito onsi.

II Abakorintho 7:1

Nabo, ekiagera tore nechüira echio, abanchani, twesibie emebere yaito eubi yonsi y'omobere

nomoyo, toikeranie obochenu as'ogosika Nyasaye.

II Timotheo 2:21

Gaki karabe omonto ogwesibia as'ogweatanana naba, nabe egento gekonyora ogosikwa, giasibigwe, kemogwenerete Omonene, kiarosigwe ase ker'emeremo ere emiya.

I Petro 1:2

Buna Nyasaye atang'anire kobamanya korwa kare as'ogwesibia kw'Omoika, goika okoigwera na konyorokerigwa amanyinga a Yesu Kristo: Obuya nomore-mbe bimenteke asemore.

OBOCHENU ASE OMONENE

41

Isaya 35:8

Ebara engare nebeo, nenchera, nero nerokwe enchera y'obochenu; egetari ekerabu tige konyara goeta aroro; korende nebe ase baria: abanto abaeti, nonya nabariri, tibakonyara gotacha aroro.

Abaibirania 13:12

As'engecho eye Yesu nere, erinde abasibie abanto baye as'ama-nyinga aye omonyene, agachanderwa as'egesieri isiko.

I Yohana 1:9

Gatorabioorokie ebibe biaito, ere nomonyene ekeene noy'oboro-

nge natorusie ebibe biaito, nago-tosibia obobe bwonsi.

Mathayo 3:11

Inche as'amache nkobatisera as'engecho y'ogoonchoka: korende ere orache nyuma yane nare nechinguru kombua, ntagwenere koi-mokeria ebikoroto biaye; nere orabatise n'Omoika Omochenu, nomorero.

Abaefeso 1:4

Buna atochorete asere, ritanganise ense etarabekwa oboroso, erinde tobe abachenu, totari neke-moa as'obosio bwaye, as'obwan-chani.

42 ABANTO BAICHOIRIE OMOIKA

Ogokora 13:52

**Naborokigwa bagaichorwa no-
mogoko n'Omoika Omochenu.**

Abarumi 8:9

**Korende korabe Omoika o
Nyasaye noikaransete ime yaino,
inwe timorigotunyana chingecho
chi'omobere, korende chingecho
chi'omoika. Korende monto onde
bwonsi atari n'Omoika o Kristo,
oyio tari omonto oye.**

Ogokora 4:31

**Goika bagachia gokora gosaba,
aas'aria basangererekanete, agate-
ngechigwa, bonsi bagaichorwa n'O-
moika Omochenu, bagakwana ri-
ng'ana ria Nyasaye as'oboremu.**

Ogokora 1:8a

**Korende namonyore chinguru,
ekero obacheire Omoika Omo-
nchenu: nainwe namobe abarori
bane ase. . .**

Luka 11:13

**Nabo, onye inwe abamore aba-
be mwamanyire kobaa abana bai-
no ebiegwa ebiya, inee, Tata oino
ore igoro, takomenta mono kobaa
bonsi abakomosaba Omoika Omo-
chenu?**

Ezekieli 36:27

**Nimbeke Omoika one ime yao,
nagogokora kogenda ase amachiko
ane, naye nogache ogochika kwa-
ne, na gokora ime ya'ye.**

Okomanoka 21:4

Nere natinyie kera ririga as'ama-
maiso abo; amakweri takobao na-
ende; nonya nokweumia, nonya
nokorera, nonya nobororo tibo-
kobao naende: ekiagera amang'a-
na eritang'ani atiekire goeta.

Zaburi 34:18

OMONENE nigo akobaika a-
nge baria babwate emioyo ebune-
gete; na kobakonya ab'Omoika
oichanerete ebibe.

Isaya 66:2

Ebinto ebio bionsi amaboko
ane arosetie, nebinto bireo bionsi,
otebire **OMONENE**: Korende a-

se omonto oyo nindigererie, nase
oria omotaka na oria obwate o-
moika oichaine, nagotengiwa ase
ringana riane.

Zaburi 37:3

Egene **OMONENE** na kora a-
maya; nario oramenye ense, e-
keene nabo oraragerigwe.

I Petro 4:12, 13

Abanchani timorora ng'a nogo-
kumia eria emechando yabanyo-
rire buna omorero ng'a motemwe,
onye gose negento ekegeni kiaba-
nyorire: Korende buna mwabwa-
tanete nemechando ya Kristo go-
ka; erinde as'okomanoka kw'obo-
nene bwaye mogoke as'ogosasoka.

Abaibirania 2:18

**Naki achandetwe gatemirwe,
nanyare kobakonya abwo bagote-
mwa.**

Zaburi 34:19

**Emechando y'abanyene oboro-
nge nemenge, korende OMONE-
NE nigo akobakonya ase onsi.**

Isaya 43:2

**Ekeru okwamboka amache, ni-
mbe amo naye; nase chindoche,
amache takonyara goichora goeta
igoro yao: ekeru ogoeta ime y'o-
morero, tokonyara gosambwa;
gose nonya nechinsase chi'ekebe-
mberi ki'omoreru tichikonyara go-
gosamba yaya.**

Abarumi 8:28

**Na twamanyire ng'a amang'ana
onsi igakoba amo as'ogokora oko-
mo, erio abanyorera amaya baria
bamwanchete Nyasaye, barabwo
baria barangerigwe as'engecho ya-
ye.**

I Abakorintho 10:13

**Ogotemwa tikwabanyorete i-
nwe, tatiga koreng'ana buna okwa
mwanabantu baranyare koreme-
reria: Korende Nyasaye noyo bw'e-
keene, takobatiga motemwe kobua
oko moranyare; korende amo na-
koria ogotemwa nakore egesieri
mogosokera erinde monyare kore-
mereria.**

Okomanoka 3:5

Ere oyorabue nabekwe chianga chindabu, nainche tinkoritinyia erieta riaye korwa as'ebuku y'obogima nonya ng'ake, nainche nindiatore erieta riaye as'obosio bwa Tata one, nas'obosio bw'amalaika aye.

Okomanoka 3:12

Ere oyorabue, nimokore esiro ase hekalu ya Nyasaye one, nere tagosoka koruao nonya ng'ake: nainche nindike igoro yaye erieta ria Nyasaye one, nerieta ri'omochie o Nyasaye one, Yerusalemu ore omoyia, ogoika korwa igoro ase Nyasaye one, nerieta riane o-monyene, rire riyia.

Okomanoka 21:7

Ere oyorabue nayanyore aya; nainche nimbe Nyasaye oye, nere nabe Omwana one.

Okomanoka 2:7

Ere oyore namato, aigwe ring'ana eri Omoika ogochitebia chikanisa. Ere oyorabue, nimoe koria amatunda ay'omote bw'obogima ore gati gati as'Omogondo o Nyasaye.

Okomanoka 3:21

Ere oyorabue, nimoe goikaransa amo nainche as'ekerogo kiane ki'obonene, buna inche nabuete ngai-karansa amo na Tata one as'ekerogo kiaye ki'obonene.

NYASAYE OGOKWANA NAINTWE IGORO Y'OGOTIGANA

Mathayo 5:32

Korende inche nabatebirie, ng'a ker'onde omo oratige mokaye, otanga nas'engecho y'obotomani, nkomobekare as'ogotomana; noyoramonyuome oyotigirwe otomanire.

Abarumi 7:2, 3

Naki omokungu ore nomosacha oye igasibire namachiko as'oria omosacha ekeru are moyo: korende karakwe omosacha oria, osiboirwe korwa as'amachiko omosacha. Naboigo ekeru are mo-

yo omosacha oye, abe nomosacha onde, igakorokwa omotomani: korende karakwe omosacha oye osiboirwe, tasibiri namachiko ayio, goika ere tari omotomani nonya naba nomosacha onde.

I Abakorintho 7:10, 11

Korende baria batiekire konyuomana nachikire, gose tari inche, korende Omonene, Omokungu tagigana nomosacha oye. Korende, karabe otiganire nere, aikaranse tanyuomwa, gose abwatane nomosacha oye naende; naende omosacha tamotiga mokaye.

Mathayo 24:27

Naki buna ekomesa korwa mocha yabara gochia bosongo, naboigo korabe ogocha kw'Omwana-o-mwanyabanto.

Mariko 8:38

Naki oyio oranyare kondorera obosoku inche namang'ana ane, as'ekegori eke ki'obotomani nebi-be, Omwana-o-mwanyabanto namororere obosoku ere gagocha as'obonene bw'Ise amo namalai-ka amachenu.

Yakobo 5:8

Nao, nainwe remereria; kong'ia chinkoro chiaino, naki ogocha kwaye Omonene kwabaire ang'e.

Mathayo 24:30

Erio nario kerache kororekana igoro egekone ki'Omwana-o-mwanyabanto: nario ebisaku bionsi bi'ense birarere: naende nabamoro-re Omwana-o-mwanyabanto ogocha as'amare a igoro, nechinguru, nobonene obonge.

Yohana 14:3

Kondagende kobaroseria aase, ninchiche naende, nimbaroisie asende; erinde asende inche, nainwe mobeo.

Okomanoka 3:11

Rigereria, ninchiche bwango: bwata mono ekiore nakio, tacha omonto ayeire egutwa yao.

I Yohana 3:2

Abanchani, bono ntore abana ba Nyasaye, korende taraorokigwa buna torache koba. Korende twamanyire ng'a rigoro araoroke, natogwekane nere; naki nato-morore buna are.

Okomanoka 16:15

Rigereria, ngochande buna omo-ibi. Nare negesio oyokorenda, no-yokorosia chianga chiaye, tage-nda getirianda, barore obosoku bwaye.

Ogokoara 1:11

Bakabora, Abanto ba Galili naki moteneine mokorigereria igoro? Oyo Yesu, obogorigwe korwa asemore kogenda igoro, na-

bo arache omogwekano oyio oyio buna mwamorora akogenda igoro.

Mathayo 16:27

Naki oria Omwana-o-mwanyabanto naoroke nobonene bwa Ise amo namalaika aye, nekero ekio ng'ae ker'omonto buna ebio aregokora.

Luka 21:27

Nerio nabanyare komorora Omwana-o-mwanyabanto ogocha as'amare ase chinguru nobonene obonge.

Luka 12:40

Nainwe, nabo, mobe ange: ekiagera ensa motakagereti, Omwana-o-mwanyabanto agocha.

RINGANA RIA NYASAYE

II Petro 1:21

Naki obobani tibwaretewe kare as'obwanchani bwa mwanyabato: korende mwanyabanto abachenu ba Nyasaye, bagakwana, as'ogotang'anwa n'Omoika Omochenu.

Zaburi 119:105

Ringana riao netaya ase amagoro ane, noborabu ase enchera yane.

Mathayo 22:29

Yesu akabairaneria akabatebia, Mwasirire inwe ekiagera mota-manyeti amariko, nonya nokobua kwa Nyasaye.

Luka 21:33

Igoro nense nabiete: korende amang'ana ane tagoeta nonya ng'ake.

II Timotheo 3:16

Kera ririko, rire nomoika o Nyasaye, ndigwenerete as'okworokia, nas'okobakonya abanto okomocha kwabo, nas'okobatang'ana, as'okobakanya as'enchera y'oboronge.

Zaburi 119:11

Ringana riao nabisire ase enkoro yane, erio tinyara gokora ebibe ase obosio bwao.

Published in numerous languages by the World Missionary Press
as God supplies funds in answer to prayer. If you would like more
copies for careful distribution, write in English to:

World Missionary Press, Inc.
Box 120
New Paris, Indiana 46553 U.S.A.

Kenya

KISII

GUZ

18 Ekegusii
Printed in USA

